

BONEIRU TA YEN

Lansamentu di 'Bonaire, een koloniale zoutgeschiedenis'



Djasabra último Cees Luckhart a lansa oficialmente e buki titulá 'Bonaire, een koloniale zoutgeschiedenis' ku el a skirbi huntu ku Bòi Antoin. E lansamentu a tuma lugá na Archivo Nashonal di Reino na Den Haag, den presensia di hopi invitado, entre kua sekretario di estado enkargá ku Relashonnan den Reino Alexandra van Huffelen. Foto di Nico van der Veen ta muestra e outor huntu ku Van Huffelen i dos otro persona embolí ku e proyekto. Na yùni tin e presentashon ofisial na Boneiru. (Foto @Nick van der Ven)

“AFBW mes-
ter tene kuen-
ta ku manera
di aktua di e
boneriano”

PAG 8



www.cityshopbonaire.com

[f](#) City Shop Bonaire

[whatsapp](#) +599 700.6442

[phone](#) +599 717.3666

City Shop
Smart shopping • Better living

**TA BUSKANDO
EMPLEADO**

PA REFORSA NOS
DEPARTAMENTU
DI TIRE CENTER



INFO AT EVE@NAPABONAIRE.COM

xerox™



**OBERSI
ELECTRONICS
BONAIRE**



Preparashon pa Dia di Antriol

E preparashonnan pa selebrashon di Dia di Antriol, dia 27 di april, ta sigui. Djadumingu tabatin oportunidat pa pega bandera i dorna outo na Plasa Chiku Goeloe.



Chendell Beaumont i Luis Moka a estrená

Love pa mi ko

KRALENDIJK— Chendell Beaumont i Luis Moka den fin di siman a lansa e piesa Love pami ko. E kansion ta kompositá pa Chendell Beaumont i Rincon Boys. Clay Davelaar kende ta mèneder di Luis Moka ta splika; “Chendell tabatin e sentimentu ku Luigi ta e persona ideal pa kompañé

den e piesa. Nos a kuminsá traha riba e proyekto masomenos dos luna pasá.” Mas aleu e ta splika ku a graba e kansion parsialmente na Aruba i Boneiru. A hasi uzo di e oportunidat ku resientemente Chendell tabata na Boneiru i graba e videoclip. Letranan di e kansion ta papia di amor pa kultura i músika kriojo. Ta menshoná diferente di e kan-

sionnan kriojo di ántes, i kon grandinan a basa e batuta pa e siguiente generashon.

“E kansion a haña hopi bon reakshon. No solamente na Boneiru, pero tambe na Kòrsou, Aruba i Hulanda. Nos ta sumamente gradesido ku e aseptashon di pueblo pa Love pa mi ko,” Davelaar ta finalisá bisando.



Spiritu di kabritu òf kabritu mes?

KRALENDIJK -- Un persona maskulino ku a bai saka sèn na e bankomátiko di RBC Bank na Kaya Korona a hiba spantu di su bida resientemente, na momentu ku el a blo riba un kabritu pretu misterioso pará na banda di e entrada prinsipal di e banko aki. Na un orario asina lo bo kere ku tur kabritu ta drumiendo. E hòMBER a kuminsá pensa riba presensia di un

spiritu. Pa kolmo e animal a dal un gritu spantoso, no masha paresido na gritá di kabritu. Anto ainda tabata den kuaresma. “Pues m’a pura subi mi outo bèk i ku belosidat haltu bandoná e sitio.”

BONERIANO sa konstatá basta kabritu ku ta move den e área ei, pero durante dia. Anochi enbèrdat ta otro kos.



BONEIRU TA YEN

KRALENDIJK— Por konklui ku Boneiru ta yen. Poblashon di Boneiru na 2022 a krese ku mas di 1.500 siudadano.

Boneiru tabatin 24.090 habitante riba 1 di yanüari 2023, un kresementu di 1.517 persona (7 porshento mas) en komparashon ku un aña promé. Esaki tabata partikularmente debí na e echo ku mas hende a muda pa Boneiru kompará ku e kantidat di hende ku a bandoná Boneiru (1.413). Den un grado limitá pa motibu di kresementu natural (73), ku ta e kantidat di nase mentu ménos e kantidat di fayesimentu. E kantidat di hende ku a nase pafó di Hulanda Karibense a krese ku mas di 1.400. Esaki ta prinsipalmente pa motibu ku tin mas habitante nasé na Hulanda Europeo, Kòrsou, Repùblika Dominikana, Venezuela, Colombia i Merka.

No por deskartá ku por konsiderá e kresementu aki riba vários área komo problemátiko. Polítiko Jona Chirino Felida a analisá e kresementu aki i duna su opinion. “Nos ta pasando

den un fase di desaroyo hopi lihé i riba tur área. Aunke esaki ta bai bon, e preparashon pa ku e desaroyo aki por ta mihó”, el a splika.

E koalishon nobo tambe ta rekonosé a problema aki. Den e próksimo 4 aña lo tin basta atenshon pa regulá e kresementu brutu ku Boneiru a eksperensia e último añanan. E partidonan a ankra esaki den nan akuerdo di intenshon. “Partidonan ta akordá pa garantisá un maneho i planifikashon efektivu pa loko ta trata i e kresementu di e poblashon. Tur esaki den relashon ku e kresementu ekonómiko, e kapasidat i kalidat di provishonnan vital i impakto riba e vishon ‘kresementu ku mantenementu di naturalesa i propio kultura.”

Alabes tin kombersashonnan tumando lugá ku Ministerio di Hustisia i Seguridat pa implementá mas regla na momentu ku un hende ke establese na Boneiru.

Segun informashon di Ofisina di Estadístika (CBS) e kresementu aki ta enserá henter Hulanda Karibense. Riba 1 di yanüari

2023, e kantidat di habitante di Hulanda Karibense tabata 29.418. Esaki ta 1.692 (6 porshento) mas ku un aña anterior. E oumento ta pa gran parti pa kuenta di Boneiru, spesialmente dor di migrashon. Tambe na Saba i na menor grado na Sint Eustatius, e kantidat di habitante a krese pa motibu di un surplus di migrashon. Esaki ta resultá for di si-franan nobo di poblashon di Centraal Bureau voor Statistiek, CBS, tokante Hulanda Karibense.

Sint Eustatius

Poblashon Sint Eustatius a krese ku 51 persona. Riba 1 di yanüari 2023, Sint Eustatius tabata konta ku 3.293 habitante, un kresementu di 51 (2 porshento mas) en komparashon ku prinsipio di 2022. Esaki ta prinsipalmente pa motibu ku mas persona a establese riba e isla kompará ku e kantidat di persona ku a bandoná e isla, kual ta limitá. Kresementu natural ta limitá. E kantidat di hende ku a nase pafó di Hulanda Karibense a krese ku 65. Prinsipalmente e kantidat di habitante ku a nase na

Medio- i Sur Amérika a krese.

Saba

Poblashon Saba a oumentá ku 124 persona. Na inisio di 2023, Saba tabata konta ku 2.035 habitante, 124 (6 porshento) mas aña anterior. Mas persona a establese nan mes riba e isla kompará ku e kantidat di

persona ku a bandoná e isla (114). Kresementu natural a keda limitá. Kantidat di persona ku a nase pafó di Hulanda Karibense a krese ku 139 persona. Esaki tabata prinsipalmente personanan nasé na Canada i Merka. Na prinsipio di 2023 tabatin mas persona nasé na Asia kompará ku un aña anterior.

Pa e.o. manehá sin seguro

Polis a repartí hopi but

KRALENDIJK— Kuerpo Polisial Hulanda Karibense (KPCN) riba djabara atardi a tene kontròl di tráfiiko. Esaki riba Kaya Nikiboko Sùit. Durante di e kontròl, a kontrolá un total di 68 vehíkulo. A duna un total di 30 prosèsferbal. E prosèsferbalnan tabata pa lo siguiente: 17x pa manehá sin seguro bálido, 6x pa manehá sin reibeweis bálido, 1x pa manehá sin hèlm bistí i 6x

pa manehá sin faha di seguridat bistí.

KPCN ta hala atenshon di un i tur pa nan tin e dokumentunan nesario, na òrdu. Tambe ta konsehá estriktamente pa kumpli ku e reglanan di Lei di Tráfiiko.

No kumpli ku reglanan, polis ta atvertí ku por haña un but. E suma di un but pa e violashonnan mensioná ta varia entre \$30 te ku \$225.

Aksidente entre outo i bròmer

KRALENDIJK— Polis mester a bai den bario di Amboina pa duna asistensia. Ta trata aki di un aksidente entre outo i bròmer. Esaki a sosodé riba djadumingu 16 di aprel. Shofùr di e outo a lora sin duna preferensia na e bròmer. Konsekue-

ntemente e bròmer a bai dal den e outo. Ambulans a transportá shofùr di e bròmer ku ambulans pa hòspital pa tratamentu médiko. Na e sitio a hasi un tèst di supla ku shofùr di e outo. A detené shofùr di e outo pa manehá bou di influensia.



Consuelo
Memorial

Kaya Maria C. Hellmund-Boom 11 • Bonaire • CN
T/F: (+599) 717 3243 (24h) • info@consuelomemorial.com •

Yunan, rumannan i demas famia ta partisipá fayisimentu di

Edgar José Maria Frans

*08-12-1934

† 15-04-2023

Dia, ora i lugá di entierro ta anunsia despues.

Den kuadro di investigashon di droga

Outoridatnan a konfiská outo luhoso

KRALENDIJK -- Kolaborashon entre e departamentunan 'Incident Gerichte Opsporing' (IGO) i 'Financieel en Economische Criminaliteit' (FINEC) di KPCN ta konduci na konfiská di bien. Riba 17 di mart 2023 un en-

trada hudisial den kuadro d violashon di Lei di Opio BES, a tuma lugá na un kas situá den Amboina. Aki a konfiská droga, sèn kèsh i bien di balor.

A traspasá e kaso pa e departamentu di Incident Gerichte Opsporing (IGO)

pa investigashon mas aleu. En konekshon ku e kaso aki reshèrshi di e departamentu di IGO, den kolaborashon ku e departamentu di FINEC ku resientemente ta aktivo, bou di enkargo di Ministerio Públiko, a konfiská un vehíkulo riba 6 di

april.

Kuerpo Polisial Hulanda Karibense i Ministerio Públiko BES ke enfoká ku kriminalidat no ta paga.

Den kaso di sospecho ku ta gana sèn ku aktividatnan kriminal, e chèns ta eksistí ku ta kita bien di balor for di bo.



Viyoma Construction

ta buska

- 6 metselaar

Mas inf. tel. nr **780-3698**



Programanan di Bonaire.tv

TELBO kanal 70

Flamingo TV kanal 23

Djammers 18 april 2023

12.00 Herensia Aruba:

13.00 Aki Boneiru:

14.00 Herensia:

15.00 BAPA:

Madonna Stephens

Echo

Beatrix Leopolda Martina-Goeloe

Benito Rafael Rodriquez

16.00 Aktualidat:

17.00 Aki Boneiru:

18.00 Herensia:

19.00 BAPA:

Drecha kas

Dia di Den Gobi, Rincon 2018

Anton Burleson

Charles (Chal) Pikeur

20.00 Programa:

21.00 Aki Bonaire:

22.00 Herensia:

23.30 Puerto Latino:

Apel di Oro Episodio 6

Rolando (Nando) Statia

Jacintho Jansen

Luis Zárraga

Tur mèrdia 12'or ta kuminsá un programashon nobo di 4 ora.
E programashon aki ta ripití pa 24:00.

Reflekshon

NO PREOKUPÁ

Skritura: Mateo 6:25-34

"Pesei, no preokupá boso mes pa e dia di mañan, pasobra e dia di mañan lo pèrkurá pa su mes. Kada dia tin sufisiente problema di su mes." versíkulo 34(BS)

Ora mayornan ke pa yunan siña i kòrda algu bon, nan ta keda ripití esaki pa nan no lubidá.

"No preokupá" ta bini dilanti 3 biaha den 10 versíkulo; mester ta un instrukshon importante ku Dios ke pa nos siña, komprendé, keda kòrda i pone na práktika.

Pa 'no preokupá' no ta nada fásil komo hende. Hende ta plania i ke sa kiko ta bai pasa; kiko tin riba menú pa e siman akí, kua paña muchanan ta bai skol kuné, unda ta bai ku vakashon, kon ta yega na sèn pa vakashon, etc.

Ma Dios ta bisa ku E mes ta alimentá i kuida e paranan i bisti e lelinan ku no ta traha; kuantu mas balor hende tin pa Dios. Si E ta kuida di para i lelinan, lo E no kuida muchu mas di hende ku El a krea den Su mes imágen? (Génesis 1:26)

Ademas preokupando pa nos bida i e dia di mañan ta stroba nos pa hasi e loke ta mas importante den bida. Na lugá di preokupá laga nos práktika loke versíkulo 33 ta instruí: "Ma buska promé e reino di Dios i Su hustisia, i tur e kosnan aki lo wòrdu añañá na boso." Dios ta proveé pa nos nesesidat ora nos pon'É na promé lugá.

No preokupá, ma buska Dios na promé lugá!

Gilda Beukenboom-Sintjago

Produkshon PGM

Akohidanan ta kuestioná lei akohida di mucha BES

Finansiamentu aktual no ta den proposishon di igualdat

KRALENDIJK – Ako- hidanan na Boneiru ta kuestioná e lei akohida di mucha BES. E lei pa islanan BES ta koincidí den liña grandi ku lei di akohida di mucha pa Europa Hulandes. Gastu di alohamentu i kosto di bida riba e islanan, tambe ta koincidí pa gran parti ku esun na Hulanda, gastu di komestibel

ta asta konsiderablemente mas karu. E finansiamentu aktual di akohida di mucha, no ta den proposishon di igualdat. Esaki e akohidanan ta informá miembronan di Tweede Kamer den un karta.

Tarifa máksimo pa ora apliká pa Gobièrnu pa akohida di mucha na Europa Hulandes ta 9,12 euro pa

akohida di dia i 7,85 euro pa akohida pafó di skol. Na Boneiru, e akohidanan ta risibí pa mucha na akohida di dia en total 541 dòler, 441 dòler for di Gobièrnu di Reino i 100 dòler di kontribushon di mayor, pa luna.

Mesun kalidat pa ménos

Un mucha por hasi uso di 55 ora di akohida pa si-

man. Esaki ta ekivalente na un tarifa di 2,36 dòler pa ora. Euro i dòler ta kasi igual. Gobièrnu ta spera e mesun kalidat di un proveedó di akohida, pero ta paga aki un tarifa ku ta kasi 4 bes mas abou ku esun na Europa Hulandes. Den akohida despues di skol, e finansiamentu aktual ta yega un preis di 3,40 dòler pa ora, aki mester duna mesun kalidat pa ménos ku mitar di e preis. Actualmente ta hasiendo e segundo investigashon di preis di kosto na enkargo di Gobièrnu di Reino, ku lo mester kondusí na un finansiamentu adekuá. En bista di eksperensia anterior ku e investigashon di preis di kosto e akohidanan lamentablemente tin nan opinion tokante di esaki. Esaki ta konta tambe pa e apoyo relashoná ku kontenido ofresé pa Gobièrnu.

Inspekshon ta duna den su rapòrt e rekomendashon ku apoyo mester kuadra ku nesesidat di e proveedó di

akohida di mucha. E struktura aktual ta ofresé un aserkamentu di ‘one size fits all’, ku ta nifiká ku no por usa tur potensial i tin ku adaptá na loke nan ta ofresé i ta kontentu ku esei.

Kondishon

Pa un akohida di mucha ta realmente bon na Boneiru, mester tin dos kondishon huntu ku e lei akí, un preis di kosto adekuá i un sistema finansiero konfiabel pa komo proveedó di akohida di mucha i e investigashon di preis di kosto mester ta basá riba un situashon aspirá i no e situashon aktual. Espasio pa apoyo personalisá pa kada akohida, sin kompra fòrsá, pero espasio pa por kumpra formashon i método ku ta pas ku e vision i nivel di kalidat.

E akohidanan ta hasi un apelashon na miembronan di Tweede Kamer pa trese e asunto akí na atenshon durante di e debate den Parlamento’.

Inspekshon di Enseñansa ta señalá desaroyo positivo

KRALENDIJK – Inspekshon di Enseñansa ta informá den su relato anual di 2022 di a señalá un kantidat di desaroyo positivo na Karibe Hulandes, manera oumento di konsientisashon di kalidat i un kultura di kalidat profeshonal fuerte.

“Tambe nos a konstatá e deseo pa konhunto mehorá e kalidat di e proseso di enseñansa. Un skol ku tabata bou di supervishon intensivo, a logra atrobe pa alkansá kalidat básiko. E sentro di ekspertisie riba e área di enseñansa i kuido, riba tur e tres islanan a alkansá kalidat básiko i a yena un ròl importante den e sosten di e skolnan ku demanda di kuido i nesesidatnan di sosten,”

segun e relato anual presentá djaluna na Tweede Kamer.

Banda di esaki, tres skol básiko a haña un huisio di insuficiente na 2022.

Esakinan ta tambe bou di supervishon insentivá. Un instituto no supsidia den enseñansa di fishi sekundario, tambe e kalidat tabata insuficiente. Mas aleu na 2022 a hasi dos investigashon na Karibe Hulandes na atendé manehabel, di kua unu ta kla.

Inspekshon di Enseñansa ta tene supervishon na e munisipionan partikular hulandes, Boneiru, Sint Eustatius i Saba, riba institutonan pa akohida di mucha, enseñansa básiko i sekundario, enseñansa spesial i enseñansa di fishi

sekundario, pero tambe riba e sentro di ekspertisie di kuido di enseñansa, EOZ i e trayekto sosial di oportunidat pa hóben, SKJ.

Na 2022 e inspekshon a bishitá e skolnan, sentro di ekspertisie i trayekto di oportunidat sosial na Karibe Hulandes, mas biá. Tambe nan a papia ku diferente gobièrnu.

Entre yùni 2021 i sèptèmber 2022, Inspekshon di Enseñansa a investigá e manera di midimentu sero na tur e 68 lokalidatnan pa akohida durante dia, akohida despues di skol i akohida pa hende grandi. For di esaki a sali na kla ku ainda tin hopi espasio pa mehorashon.



Kareda di garoshi

KRALENDIJK—Dia 27 di aprel esnan enkargá ku organisashon di Dia di Rincon, ta organisá kareda di garoshi/outo. E kareda ta tuma lugá den barrio di Rincon i ta sali na botika Rincon. Ta repartí e partisipantenan den diferente kategoria. Muchanan por kompetí for di 3 pa 12 aña, hóbennan entre 13 pa 18, i por último tur ku

ta 18 aña bai ariba. Pa e muchanan ku no tin garoshi, por akudí dia 22 di aprel na un tayer pa siña traha garoshi/outo. Esaki ta tuma lugá na Kooyman Bonaire. E tayer ta pa mucha te ku 15 aña.

Pa registrashon pa partisipashon na kareda i/of workshop, por subi riba www.diadirincon.org

Fremis Enterprises & Consultancy B.V.

ta buska

- 1 dieselmonteur

-mester tin **mas ku 2 aña** di eksperensia

Inf. tel. nr **+5999 515-6856**

Awor ta momentu pa kumpli ku promesa

Pa: Noel Janga

KRALENDIJK -- Elekshon di Konseho Insular ta tras di lomba. Awor ta yega ora pa bai kumpli ku promesanan hasí. Awe nos ta pará na eksaktamente un luna despues di elekshon pa Konseho Insular akí na Boneiru. Nos tur ta konsiente di e resultadonan ku a bira konosí. PDB a sali e partido ku mas voto i a mantené su 3 asientonan. UPB a risibí un oumento na voto i un asiento kompará ku elekshon 2019 i a bai ku 3 asiento tambe. MPB a bai atras na voto i asiento kompará ku elek-

shon 2019 i a keda ku 2 asiento. M21 pa su debut komo partido den su promé elekshon pa Konseho Insular a hasi hopi bon papel ku a resultá den 1 asiento residual.

Ku e resultado akí pues, hopi hende a ilushoná nan mes ku pasobra PDB a saka mas voto ku ta nan lo mester ta e partido ku mester a tuma liderazgo di e gobièrnu nobo. Pero e realidat ta ku ningun partido a saka mayoria di asiento i esei a pone ku mester forma un koalishon. Pasobra konforme nos konstitushon, ta ma-

yoria di asiento ta konta i no kantidat di voto.

Esaki a pone ku mirando e relashon ku PDB su aktitut ta reflehá, esta di kier ta esun ku ta dirigí, a pone ku e partidonan UPB i MPB a disidí fo'i momentu ku e resultado di e partimentunan di asientonan a bira konosí, ku nan lo bai traha ku otro atrobe. Pa e simpel echo ku ya kaba nan tin kuater aña ta hasi esaki, tin vários plan andando i ku un kambio di koalishon por trese konfliktonan ku no ta aportá pa e desaroyo ku ta andando sigui.

Esaki nan presentá na pueblo despues di tres siman di e fecha di votamentu. Ku algun kambio den e koalishon i posishon di diputadonan, nan mes a disidí di sigui pa dilanti. PDB na su turno despues di a risibí 3975 i a pone òptògt pa kambio i entretenementu musikal pa su votadornan, tòg a keda den nan mes un posishon ku nan tabata promé ku elekshon, esta den oposishon.

Frakshon Coffie ku tabata independiente awor akí despues di elekshon pa motibu di nan asiento,

a tuma inisiativa huntu ku PDB pa uni resultando asina ku nan huntu a forma oposishon nobo. Praktikamente por bisa nan tambe a mantené nan posishon den oposishon.

Awor a yega ora pa tur kabes baha i ban mira kon nos ta bai alkansá e metanan stipulá. Kual ta desaroyo i bienestar di e pueblo boneriano. Nos lo sigui di aserka e desaroyonan i kada luna nos lo purba na trese dilanti e desaroyonan di e kontinuashon di e gobièrnu.

Evidensia Real. Notisia Konfiabel.

Sindikalismona Boneiru15



Nòchi Willem, konsehero di Union Sindikal Boneriano, USIBO

Nos ta sostené un minimo sosial digno i humano pa Boneiru, Saba i Statia.

Esaki ta un kampaña agresivo ku UNKOBON den koperashon ku DE GOEDE ZAAK na Ulanda ta hibando pa pone e preshon nesesario riba gabinete Rutte IV pa awor si stipulá un minimo sosial pa Boneiru, Saba i Statia. Banda di e kampaña akí miembronan di Eerste Kamer tambe a pone preshon, eksigiendo minimo sosial awor. Den Tweede Kamer tambe diferente partido no ta kompromé pakiko no por stipulá e minimo sosial entrante 1 di yanüari 2024. Kolegio di Derechonan Humano i Defensor di pueblo (ombudsman) ketu bai ta pone preshon. Awor e union sindikal di Ulanda, FNV tambe a laga kom-

prondé ku e kier yuda pone preshon. Igualmente ta e kaso ku Aso-sashon di Munisipionan Ulandes(VNG) i tambe gruponan di preshon Divosa i Solidariteitsaktie. No lubidá tambe ku UNKOBON tin un kaso den korte kontra estado Ulandes. Tambe mester bisa ku poko poko pero sigur prensa ulandes tambe ta dunando atenshon na e tema akí ku tur hende ta mira ku e aktitut di gobièrnu ulandes ta kontra derecho di hende i kontra di trato igual di nos den Caribe, siendo parti integral di Ulanda. Pues hopi movimento na Ulanda pa sali na defensa di nos hendenan vulnerabel pa nan por haña un ònderstant i penshun di behes na drechi i kuné por stipulá un sueldo minimo husto.

Awor nos akí na Bo-

neiru kiko nos ta hasi pa sali pa nos derechonan fundamental ku ta hasta ankrá den nos konstitushon i rekonosé internashonalmente. Ta nos deber di sali i mustura kurashi i solidaridat i ku pa nos tambe ta basta di trata nos komo siudadanonan di segundo, terser i hasta di kuater rango. Ta 19 di dèzèmber último Rutte a pidi dispensa pa e aktonan kruek kontra humanidat ku tabata sklabilitut, kaminda no a respetá derecho di hende. Ata ni 4 luna despues, sekretaria di estado ta bin deklará unilateral sin konsultá ku nos akí na Boneiru ku e ta parker stipulashon di minimo sosial. Wèl aña pasá 5 di mei USIBO a kordiná un manifestashon popular pasífiko pa manda un señal kla i raspá ku mester hasi algu i mi-

nister Carola Schouten a hasi algu na e ònderstant, na e penshun di behes i e sueldo minimo, pero tur hende ta realisá ku e no ta sufisiente pasobra no a hasi mashá pa tene e gastunan abou, pues nos forsa di kompra no a mehorá i a mantené un gran kantidat di hende ainda den pobresa.

Meskos ku na Ulanda a forma un koalishon pa protestá akí na Boneiru tur kobradó di ònderstant, tur penshonado (nan ta mas ku 2 mil), tur trahadó, nan ta sigur 10 mil, tur miembro di tur e sindikatonan sin distinsion, pues miembronan di AFBW, ABVO, FEDEBON, NAPB-BES, SIMABO, STRAF, pero tambe miembronan di UNKOBON i simpatisantenan di tur e 6 partidonan polítiko ku a bai elekshon 15 di mart último, ma-

manan soltero, hóbenan adulto ku ta bishitá SGB, MBO i FORMA, i yut otro gruponan sosial i spiritual na Boneiru tur mester bin den un manifestashon di solidaridat huntu ku esnan ku a saka nan garganta i kabes aya na ulanda pa garantisá ku nos ta defendé nos derecho konstitushonal den un forma demokrátiko, sin miedo, sin tembla i ku balentia di un pueblo uní pa un kousa husto.

Laga mundu sa ku nos tambe akí na Boneiru ta sostené un minimo sosial digno i humano pa Boneiru, Saba i Statia.

I nos lo djòin e manifestashon di Solidaridat ora nos haña e yamada ku balentia i kurashi, pasobra nos ta konsiente ku ta pa defensa di un derecho fundamental di hende nos ta lucha.

Hulanda lo no yuda kubri buraku di pobresa

Pober ta bira mas pober

KRALENDIJK -- Islanan BES ta teritorionan di islanan den Karibe ku ta kai bou direktamente bou di Hulanda, kaminda e islanan Boneiru, Sint Eustatius i SABA, ta munisipionan di Hulanda, kompará ku e islanan Aruba, Kòrsou i Sint Maarten, ku ta islanan outónomo den Reino Hulandes.

Den un reunion informativo den Tweede Kamer, Sekretario di Estado, Alexandra van Huffelen, na nòmber di gabinete Rutte IV, no a mustra kompashon

òf kompreshon pa e situashon serio di pobresa ku e tres islanan BES ta konfrontando.

Djaweps último durante di un debate den Tweede Kamer, lidernan di e kuater frakshonnan di VVD, D66, CDA i Groenlinks, a insistí ku van Huffelen pa tuma medidanan nobo pa hasi e buraku di pobresa riba e islanan BES mas chikitu pa siudadanonan di e islanan aki por keda aliviá di e situashon penoso ku nan ta bibando aden pa algun aña kaba i ku a bira mas grandi

dor di pandemia.

Van Huffelen sinembargo no kier a skucha mes pa atendé e asunto akí mas pronto posibel i pa kolmo e no tin plaka riba presupuesto pa e ayudo akí, insistiendo ku ya kaba gobièrnu a tuma sierto desishonnan i awor e kier spera riba konseho di un komishon ku a forma pa studia e diferensia sosial/finansiero riba e islanan.

Segun e sekretario di estado, esaki lo keda konkluí pa final di aña akí, insistiendo ku promé mes-

ter averiguá kon grandi e buraku ta diferensia entre e salario mínimo aktual riba e islanan kompará ku gastunan ku e famianan akí tin na e momentonan akí.

E ora lo bai over na tuma desi-shonnan i tambe definí kon lihé lo atendé esaki pa tapa e buraku sosial/finansiero i na mes momento a mustra ku ni kon grandi e buraku akí lo ta lo no kubri e diferensia akí den un solo biá.

Lider di frakshon di D66, Jorien Wuitte, a papia di un situashon inaseptabel

sí pa promé di yanüari di 2024 no introdusí un mínimo sosial, mustrandu van Huffelen ku su frakshon lo presentá un moshon den e próksimo reunion riba e tema akí.

Van Huffelen i su gobièrnu parse di no tin ningun tiki purá pa atendé ku e situashon serio akí riba e islanan BES ya ku dos aña pasá kaba mesun gobièrnu akí a konfirmá ku lo bin ku un areglo pa atendé ku desempleo riba e islanan di BES, pero a hasi nèt nada.

Posibilidat di sobrebibensia ta bira ménos dia pa dia

Akohidanan ta bati alarma

KRALENDIJK - E sistema aktual di finansiamentu kombiná ku e normanan di lei nobo, ta sòru ku e posibilidat di sobrebibensia di akohidanan ta bira ménos dia pa dia. Ta konsiderá propietario di akohida di mucha na Boneiru komo un empresario. E proyekto di lei pa akohida di mucha ta dirigí su mes puru riba kalidat di akohida i redukshon di gastu pa mayor. Apénas ta pone atenshon na posibilidat di realisashon di e metanan di kalidat pa e empresario, pero ta konsiderá e doño di akohida di mucha responsabel pa esaki sí.

E akohidanan a manda un karta pa miembronan

di Tweede Kamer, den kua ta indiká ku drento di poko Parlamento lo konsiderá e proyekto di lei di akohida pa mucha di islanan BES. Komo proveedó di akohida pa mucha na Boneiru, gustosamente ke brinda representantenan informashon pa nan por prepará bon pa e debate.

Den e karta akí e akohidanan ta splika loke, for di nan perspektiva, ta esensial pa inkluí den e deliberashon tokante di e proyekto di lei akí. Tambe ku plaser ke plania un reunion online ku parlamentarianan pa sigui analisá esaki mas profundo.

Kalidat

E akohidanan ta pará

kompletamente tras di al-samentu di eksigensia di kalidat den kuido di mucha. E muchanan meresé un kuido di e mihó kalidat. E akohidanan ta sumamente motivá pa brinda solamente akohida di kalidat haltu na mas di 3000 mucha, ku ta akudí diariamente. E proyekto di lei ta krea un kuadro importante pa eksigensia di kalidat haltu i ta aploudí esaki tambe.

Sinembargo kaminda ku Estado Hulandes ta keda kòrtiku ta finansiamentu korespondiente i apoyo pa por garantisá realisashon di implementashon riba un nivel kualitativo i di kalidat haltu. Esaki ta algu ku ta preokupá e akohidanan.

Insigur

Komo partidonan kualitativamente fuerte na Boneiru, akohidanan ta mira un futuro hopi skur i insigur. E sistema aktual

di finansiamentu kombiná ku e normanan di lei nobo, ta sòru ku e posibilidat di sobrebibensia bira ménos dia pa dia. Ta konsiderá propietario di akohida di mucha na Boneiru komo un empresario. E proyekto di lei pa akohida di mucha ta dirigí su mes puru riba kalidat di akohida i redukshon di gastu pa mayor. Apénas ta pone atenshon na posibilidat di realisashon di e metanan di kalidat pa e empresario, pero ta konsiderá e doño di akohida di mucha responsabel pa esaki sí.

Regularmente ta papia ku e akohidanan, pero solamente ora yega e momentu ku ta indiká ku mester bai sera porta ta bini ku akshon konkreto. Aktualmente ya ta basta leu den direkshon di un 'one-size-fits-all', akohida estatal Boneiru.

For di yüli 2020 tin di tene kuenta ku un preis máksimo. Kon esaki ta

funshoná. Resientemente LOKB, organisashon pa duna feedback di e akohidanan, a bati bèl i a indiká ku sí no hasi algu awor, diferente di e akohidanan lo sera, pasobra nan ta den problema pa motibu di e preis máksimo abou imponé dor di Estado. E preis ta muchu abou kompará ku e eksigensia haltu di kalidat imponé pa Estado.

Inspekshon di Enseñansa resientemente a publiká e promé sifranan enkuanto kalidat. Esaki a mustra ku akohida riba nos islanan no ta skor sufisiente riba hopi eksigensia. Algun miembro di Tweede Kamer ya a ekspresá nan preokupashon pa ku esaki. Splikashon pa retraso den kalidat sinembargo ta hopi simpel, miéntras ku parti finansiero no por kubri e eksigensianan, ta imposibel pa realisá esaki. No por kibra heru ku man.

IDEAL Supermarket

ta buska

- 1 magazijnbediende

-mester tin minimal 1 aña di eksperiensia

Inf. tel. nr **795-2115**

Segun siudadano:

“AFBW mester tene kuenta ku manera di aktua di e boneriano”

KRALENDIJK— E konflikto entre Selibon i sindikato AFBW tin atenshon di vários siudadano. Un siudadano a manda su opinion pa redakshon di BONERIANO. Manera kustumber nos ta ofresé un plataforma na kada siudadano. E artíkulo ta sali anónimo pero su nòmber ta konosí na redakshon.

“Último tempu por a tuma nota ku un sindikato ku ta representá trahadónan na un kompania i ku a drenta wèlga, loke sigur ta algu di apoyá i ta bon pa trahadónan ta afiliá nan mes na un sindikato pa representá nan.

E sindikato na su turno mester buska e mihó manera pa representá su miembronan. Esaki ta lógiko. Pero esaki mester keda den e proporshon i tambe mester keda den e kultura

i manera di aktua di nos bonerianonan.

Por a tuma nota di e avalancha di krítika ku tin riba e kompania di e sindikato. Mesora tambe por a tuma nota ku e krítikanan akí tambe tin komportashon riba e habitantenan di nos dushi komunidat boneriano. Por tuma nota i mira tambe ku nos hendenan ta kuminsá tira shushi riba kaminda, òf no ta hiba nan sushi kas i ta tira nan shushi riba kaya òf den mondi. Especialmente kantu di kaminda por mira oumento di bòter, bleki i kùp.

Ku otro palabra e krítika i manera di ekspresá kontra e kompania, ta pasa riba e komunidat i nos hendenan ta kuminsá bira deskuidá riba bentamentu di sushi riba kaminda i den mondi.

E representantenan di e trahadónan mester keda

den un proporshon pa e trahadónan tambe por keda den nan proporshon i no influensia otro hende pa kuminsá benta sushi abou.

Nos komo Boneriano no mester keda influensia pa komportashon di otro sindikalista di hermana isla i bini ku otro manera di aktuashon i tambe trese desunion den nos komunidat, entre nos ku nos. Por tuma nota tambe ku nos tin mas hende di nos hermana isla ku a bin biba riba nos isla. Ta di komprondé ku nan tambe tin ku adaptá nan mes na Bonerianonan kustumber i tambe e kultura di hendenan di Boneiru.

Meskos ku otro hermana isla Aruba, no ta adoptá sistema di Kòrsou ora nan ta negoshá, talbes fuerte, pero ta keda ku nan estilo propio, estilo di nan

isla stimá Aruba i nan arubianonan.

Ta p'esei e sindikato ku ta representá e trahadónan akí na Boneiru, talbes e trahadónan ku no tin e edukashon mas haltu ku tin na Boneiru, mester tene kuenta ku nos hendenan i guia e grupo akí den e kaminanan bon i no trese divisishon i mal kompromendementu den nos manera di ta i ku Bonerianonan ta trata otro.

Mester keda vigilá e sindikatonan tambe, pa no hasi mal uso di nos hendenan ku ta laborá na e empresa.

Pasobra no ta debí ku nan no ta disfrutá di e edukashon mas haltu i ta hendenan ku ta fásil pa manipulá, por hasi mal usa di nos hendenan Boneriano i gana pupolismo personal.

Negoshashon entre e sindikato i un kompania den media, semper ta trese un divisishon i ta pone partidonan kontra otro talbes sin tin mester, òf pa krea populismo personal kual no ta sirbi e kaso ku tantu e sindikato i e trahadónan ta anhelá.”

Insidente ku fli

KRALENDIJK— Den oranan di atardi riba djadumingu 16 di april un insidente ku fli a tuma lugá durante un kompetensia di fli. Pa motibunan desconosí un

fli grandi a resultá riba un mucha. E mucha tabata na tinu despues di e aksidente i a transport'é ku ambulans pa hòspital pa tratamentu médiko.

Den Antriol Pabou

Trùk ta ranka waya i lus

KRALENDIJK— Abitantenan alerta a nota kon un trùk a pasa i ranka wayanan di koriente

bai kuné. Ta trata aki di un trùk ku ta meskla material di konstrukshon. Huntu ku e wayanan a ranka tambe

parti di lus kompleto bai kuné. Shofùr di e trùk a para e vehíkulo pa tuma nota di e daño.



ENTIDAD PÚBLICO
BONEIRU



REUNION KONSEHO INSULAR

Presidente ta partisipá ku tin un reunion públiko èkstra di Konseho Insular (toma di desishon), riba djamars 18 april 2023, pa 19.00'or den sala di reunion di Konseho Insular na Passangrahan.

Agènda:

1. Apertura / Partisipashon;
2. Stipulashon di agènda;
3. Nombramentu i huramentashon miembronan nobo di Kolegio Ehekutivo;
4. Klousura.

E konvokashon aki lo keda publiká elektrónikamente riba e parti públiko di e sistema di informashon di Konseho Insular (RIS) i te asina leu ku ta aplikabel, e dokumentunan konserní manera kustumber ta na Grefi na disposishon.

Lo transmiti e reunionnan di Konseho Insular “live” atrabes di e dos kanalnan di televishon Nos Tv i Dutch Caribbean TV. Tambe por sigui e reunion riba nos página di facebook i Youtube.

E.E. Rijna
Presidente



Kesementu konservando naturalesa i kultura

Popularidat ta relativo
P'esei un propio estilo
No solamente pa ta eksitoso
Sino sigur mas valioso

BròKèS 93.5 FM
pokopoko pero sigur mas i mas hende ta ...



Skuch'è

Telefon/ WhatsApp +599 701 0935
www.radio935bonaire.com

DUSHI TEMPU DI TELEVISION

Ku e seri aki mi ke hiba boso den tempu. Mi ke rekordá huntu ku esnan ku a lanta den añanan sesenta i setenta television di e tempu aya. Television “pretu ku blanku”. Tambe pa laga e generashon despues sera konosí ku loke tabata dibertishon pa mucha, hóben i adultonan den dékadan sesenta i setenta riba nos isla. TeleCuraçao a drenta operashon dia 31 di yüli 1960.

DRAGNET

Dragnet ta un seri di television merikano ku den e dos papelnan prinsipal Jack Webb i Harry Morgan. E seri aki a kore di 12 di yanüari 1967 pa dia 6 di april 1970. Pues solamente tres aña. E tabata sinembargo hopi popular.

E wesu di lomba di Dragnet sin duda tabata Jack Webb. E tabata kreadó di e seri, e tabata direktor, produktor, naradó i aktor prinsipal, den papel di sargeant Joe Friday di LAPD, departamentu polisial di Los Angeles. Jack Webb a nase komo John Randolph Webb dia 2 di april 1920. Dia 23 di

desèmber 1982 el a fayesé na edat di 62 aña.

Den e segundo papel di e seri tabatin aktor Harry Morgan (1915). El a muri na edat avansá di 96 aña na 2011, 7 di desèmber. E tabata ofisial Bill Gannon.

Los Angeles

Típicamente tur entrega di e seri tabata kuminsá ku un bista riba e siudat Los Angeles. Jack Webb tabata hasi e narashon ku ta kompañá e imágennan aki. E tabata duna un deskripshon di e siudat: “This is the city of Los Angeles..... etc.”

Despues Joe Friday tabata spesifiká e dia i

ora, tambe e sheft, den kua e ku Bill Gannon tabata trahando na e momentu ku e entrega inisiá.

E dos polisnan aki tabata investigá tur kaso kriminal ku presentá den nan kaminda. Joe Friday normalmente tabatin guia di e investigashon.

Interogashon


Anke ku Friday tabatin semper un manera profeshonal, respektuoso i desente pa atendé ku hende, su forma di interogá sospechoso i testigu sí tabata fuerte i rígrado, resultando den diálogo rápido.

Si por ehèmpel un testigu kuminsá proveé

detayenan no relevante, Joe Friday tabata bisa mesora: “Just the facts, ma'am (sir).” Na fin di kada episodio ta revelá e veredikto legal ku a dikta pa e sospechosonan.

Friday ku Gannon masha tiki biá ta sali for di nan relashon profeshonal. Pero sa sosodé ku Bill, kende ta un hòmer di famia, ta enkurashá Joe Friday pa dediká tempu na bida sosial. Joe tabata soltero.


Bill na diferenbte okashon den e episodionan di Dragnet ta referí na su esposa i yunan. Pero Joe no kier a tende nada di esaki. E tabata dediká na su karera polisial. Pa esnan interesá, tur mainta di mitar di seis pa mitar di shete ta pasando episodionan bieu di Dragnet na MeTV, kanal 67 di Flamingo.



MONCHI & TONCHI

Aki par di dia a ni bou di palu no tin lugá mas. Bonè ta yenando sin mizerikòrdia ku hende.

Awèl si, kisas mester kuminsá pensa pa bini ku `Human Shelter` meskos ku tin Animal Shelter pa e sobrepoblashon



KOLOFÓN

Editor: Bonaire Communication Services N.V.
Kaya Irlanda 12,
Tel. 717-8482
Redakshon: extrabon@gmail.com
aviso: avisobon@gmail.com
Wèpsait: www.extraboneiru.com
Facebook: Extra Boneiru

Direktor
Shirley Martis
785-3824
796-3824

Partner na Aruba
Awe Mainta
Partner na Kòrsou
Extra
Partner na Boneiru
Live99

Redakshon
Papi Antoin
Nathaly
Evertsz-Ipcendencia
Velli Gijsbertha
Edson Pietersz
Ibi Piar (deporte)

Layout
Maya Beaumont

Konsehero:
Bò Antoin
786-6818
Aviso
avisobon@gmail.com

TCB & Friends a presentá trahe di simadan

Djasabra último TCB & Friends Culture Group Bonaire, a presentá su trahe di simadan ku nan ta bai marcha kuné den kayanan di Rincon dia 30 di april i tambe durante e marcha na Playa dediká na Chana i Dui Diaz, dia promé di mei. Tabata un anochi yená ku goso i alegría pa e miembronan ku tabata presente den un tremendo ambiente ameno ku JC & Friends, e banda ofisial di TCB & Friends.





Turtuga den problema

KRALENDIJK -- Durante e último dianan, Sea Turtle Conservation Center (STCB), a risibí diferente mensahe tokante un turtuga den problema den awanan banda di Playa ku un anzue pegá na su boka.

Djadumingu mainta STCB a lokalísá e tur-

tuga i a kita e anzue for di su boka, pa despues pon'é bèk den laman pa asina e ta kla pa kome konfortabel atrobe.

Danki na Becky i Gary pa e mensahe tokante e turtuga akí ku tabata den problema.



Talento di mucha den parke

Regularmente por mira mucha ta kore hunga den Parke Wilhelmina. Pero nan ta creativo, pintando abou riba e mosaikonan. Fotógrafonan di BONERIANO a kapta e imágen aki. Bunita.



Rijksdienst Caribisch Nederland
Onderwijs, Cultuur en Wetenschap

Ku tristesa den nos kurason pa motibu di su partida inesperá, pero conforme ku boluntat di Dios, nos ta kumpli ku nos deber di partisipá fayerimentu di señora

Judith Thode,

na bida, mama di hefe di Departamento di OCW-Karibe señora Nina den Heyer.

Koleganan tur di Ministerio di OCW ta deseá Nina hopi forsa ku e pèrdida akí.

Pastornan tabata hasi mas ku solamente hasi misa

Pa: Bòi Antoin

Na aña 1913 Marcellus Lamers a bira pastor di Rincon. E nombramentu aki a tuma lugá djis despues ku el a yega Kòrsou. E no tabatin un aña drechi na Kòrsou ku a dis-

promé 15 añanan di siglo pasá tabata karakterisá pa pobresa grandi. Diripiente, na aña 1902, a bin eksistí un demanda grandi pa loka nan tabata yama “sombé di Panama”, ku

Blanku, tabatin te asta un skol di sombré.


Na Kòrsou tambe den e añanan ei por a nota hopi aktivitat riba tereno di kurso i lès den trahamentu di sombré. Na Habaaí, kaminda e kas di mucha muhénan huérano tabata situá, bou di maneho di surnan di Roosendaal, tabatin un skol di sombré, meskos tambe na Otrobanda i Pietermaai. Na e skol di Pietermaai bo por a te asta haña diploma den trahamentu di sombré.

Desde 1910 masoménos a kuminsá ta duna lès den trahamentu di sombré di kabana na skolnan di Boneiru. Gobièrnu tambe tabata realisá e importansia di esaki pa progreso ekonómiko di e poblashon i tabata supsidia tambe inisiativanan partikular di trahamentu di sombré aki.

Na momentu ku Pastor Lamers a yega Rincon e tabata entusiasma pa stimulá trahamentu di sombré den seno di hende muhénan di e bario. Banda di e lèsnan ku tabata tumando lugá na e skol di sùr di Rincon, Lamers a sòru pa kuminsá ku un kurso pa adultonan di e bario. No a dura mashá ku e tabatin 60 adulto den e kurso aki i na 1917 e tabata disponé kaba di dos lokal di trabou pa trahadónan di sombré: un pa e kursistanan prinsipiante i un pa esnan mas avansá.

Lamers a hinka den otro un forma di koperativa pa loka ta trata e industria di trahamentu di sombré na Rincon. E miembronan di e koperativa aki for di nan kapital di trabou tabata depositá un suma chikitu den un pòt, despues di kua tabata parti e ganashi riba un base igual entre nan tur.

E koperativa aki di Pastor



Lamers tabata konta ku 130 miembro i sin duda e aktivitat aki tabata nifiká un sosten grandi pa hopi famia di Rincon.

Segun e relato kolonial di aña 1918, e industria di sombré di Rincon tabata esun konsiderá mas mihó pa gobièrnu. Pero St. Maarten, kaminda surnan dominikanesa a bai traha den e mesun sektor aki, tambe tabatin un bon industria di trahamentu di sombré.

E trabounan di Pastor Lamers na Rincon riba tereno di trahamentu di sombré a pone ku diferente otro pastor den parokianan na tantu Kòrsou komo Aruba kier a sigui su ehèmpel. Pastor van Pavert di parokia di Noord, Aruba, a skirbi Monseñor Vuylsteke na 1917: “Mi tin gana di sigui loka Lamers ta hasiendo na Rincon”. I el a manda na desèmber 1919 su promé lote di sombré Rincon, pa asina Lamers regla nan eksportashon. Tabata trata di un lote di sombré fini.

Un otro bia Pastor van Pavert a informá su obispu: “Nos (Lamers ku mi) lo traha huntu di awor pa dilanti den e industria aki”. Ku otro palabra, e parokianan di Noord (Aruba) i Rincon (Boneiru) lo a bai forma un koperativa di sombré.

E mesun Pastor Lamers aki despues a bai parokia di Santa Famia despues di Rincon pa

na Kòrsou trata na yuda lanta e interes pa trahamentu di sombré. Despues nos ta topa ku Pastor Lamers na Barber, kaminda e tabata te asta kria baka, miéntas ku den e plantashi bieu di Monseñor Niewindt el a kuminsá ku un hòfi di palma. No tin duda ku Pastor Lamers a laga su stèmpel atras na Rincon.

Isistra (Shita) Trinidad di Rincon a konta: “Tabatin hopi hende ku tabata traha sombré. Komersiantenan tabata kumpra nan pa eksportashon. Tabatin dos sortu di sombré, esta yipiapa i lataí. Yipiapa tabata di kabana moli i esei tabata mas eksportá. Lataí tabata un kabana duru i tabata usá mas tantu pa traha sombré di kunukero lokal. Ku e sèn di e benta e mamanan tabata kumpra tur nan nesesidatnan pa kas, manera suku, manteka, res, kòfi i hariña.”

Na skol di sùr na Rincon tabata duna lès di traha sombré den klas 6. Tabata bende e sombrénan aki pa asina haña sèn pa kumpra kabana pa sigui duna lès. Tabatin maestranan spesial pa duna e lèsnan aki: Eufemia Mercera, Loretha (Lola) Inias i Cachi Craane. E último aki tabata bini di Playa i tabata keda hospedá na Rincon di djaluna te ku djabièrné

Skirbi pa: Rutzen Lucas



notisiakatoliko@gmail.com



idí di mand’é Boneiru. Pastor Lamers tabata prosedente di e lugá Heumen bij Mook. P’esei tambe e tabatin e beinam Mook. El a keda parokia di Rincon te aña 1920, kaminda el a pone hopi atenshon na trahamentu di sombré di kabana, destiná pa eksportashon.

Desde aña 1903 por a nota ku e industria kasero aki a kuminsá floresé atrobe riba e islanan di Antia Hulandes. E

komo konsekuensia ku nan preis tambe a subi konsiderablemente riba merkado.

A kuminsá pone atenshon na e ramo di industria aki i pokopoko por a nota ku skolnan pa siña traha sombré di kabana a kuminsá lanta na Boneiru. Na e skolnan ku tabata atraé maestranan pa siña e muchanan kon pa traha sombré di kaba. Den Antriol, no mashá leu for di Buraku



E Korant Stret...!!!

E PREMIASHON DI DIRIGENTE I DEPORTISTA DI AÑA

BASEBALL (FEBEKO) DI LUTO: UMPIRE ACOSTA A FAYESE

YERBA PA VICTORY-BOYS

KORANT BALA TUR DIA UNIKAMENTE ONLINE RIBA FACEBOOK

MARCHA SEU FUNDASHON BIRGEN DI ROSARIO

Mucha ta muri a konsekuensia di sarampi

NIJMEGEN -- Den Radboudumc na Nijmegen luna pasá un mucha muhé a muri debí na sarampi. Esaki e hospital ta konfirmá despues di un informe di De Gelderlander. No ta konosí unda e mucha a haña e malesa, òf sí el haña angua



BMR kontra sarampi. E hòspital debí na motibu di privasidat, no ta duna informashon tokante esaki.

Sarampi ta un di un e vírusnan mas kontagioso i kasimente por evitá kompletamente dor di bakuna. Mayoria biá e vírus ta plama via drùpel chikitu den aire i ta okashoná síntomanan manera kentura, doló di spir i plèki kòrá den kara i garganta.

Na 1976 na Hulanda, a kuminsá un programa di bakunashon kontra sarampi. Promé ku e tempu ei, kada aña tabatin hopi kaso. Awor

esaki ta mas òf ménos dies, RIVM ta bisa.

Di tempu pa tempu e epidemia por plama bou di hende ku no ta bakuná. Na 2013 un mucha muhé di 17 aña di Zeeland a muri debí na kontagio.

E chèns pa muri na Hulanda debí na sarampi ta hopi chikitu, ku unu riba 10 mil. Den paisnan no desaroyá segun RIVM, mas òf ménos 250 mucha ta muri pa dia na e malesa, prinsipalmente debí na komplikashon manera hinchamentu di serebro i sekamentu.

Pa provokashon intento di morto di Wilders

Ministerio Públiko ta persigui hòmbler

AMSTERDAM -- Ministerio Públiko ta bai persigui un hòmbler di 37 aña di Pakistan sospechá di a ofresé 21 mil euro pa morto riba Geert Wilders. Esaki e lo mester a hasi na 2018 den un video. Ministerio

Públiko ta sospechá e hòmbler di intento di provokashon di morto i menasa.

E persiguishon probablemente lo no bai bira fásil, Ministerio Públiko ta rekonosé. Pakistan no tin tratado di ayudo di derecho

ku Hulanda i riba un petishon anterior pa interrogá e sospechoso, no a reashoná.

Wilders mes ta bisa ta trata di e hungadó di críket, Khalid Latif. Aña pasá el a haña prohibishon di

hunga di sinku aña debí na feksmentu di wega den e

kompetensia di Pakistan.




Tres tiroteo i eksploshon

PURMEREND -- Den Middenbeemster, munisipio Purmerend, djaweps anochi a benta un bòm di kandela kontra porta di un kas. E últimonan dlanan tabatin tambe tres kaso di tiroteo den e munisipio. Habitantenan ta intrankil

dor di e kantidat di atake.

Dor di e eksploshon a originá kandela. E porta di e kas a resultá ku daño serio. A evakuá mas kas den bisindario pa algun tempu debí na peliger di eksploshon. Den e siudat Purmerend djárasen di djaweps a

tira kontra diferente kas i den Middenbeemster djamaris tabatin un kaso di tiroteo na un distansia di 200 meter for di e sitio kaminda e eksploshon a tuma lugá. Polis ta hasi investigashon na e relashon entre e insidentenan.



Hòmbler ta muri despues di kai den awa

HEERHUGOWAARD -- Un hòmbler a muri despues ku el a kai den awa na Hasselaarsweg den Heerhugowaard, ku un mashin di kòrta yerba djaluna mèrdia.

Durante ku e hòmbler tabata kòrta yerba ku e mashin di kòrta yerba, el a resultá den awa. E víktima probablemente a resultá

den awa bou di e mashin.

Servisionan di yudansa a trata na reanimá e hòmbler. Helikòpter di trouma tambe a yega na e sitio pa ofresé sosten, pero tur esaki sin resultado. E hòmbler a muri.

Polis ta hasiendo investigashon mas aleu na kousa di e insidente i embolbimentu tersernan.



STATIA/SABA/ST. MAARTEN

Delegashon Saba a atendé konferensia nashonal di orkan

THE BOTTOM – Konsehero di infrastruktura i miembro di e tim di komunikashon di krisis, Nicole Johnson, huntu ku Havenmeester, Travis Johnson, a atendé e konferensia nashonal di orkan di 3 pa 6 di april na New Orleans, kaminda ekspertonan di

desaster a bini huntu pa diskutí e último desaroyonan den tereno. Representantenan di Boneiru, St. Maarten i Kòrsou, tambe

tabata presente.

Durante e konferensia, partisipantenan a tuma parti na un eksposishon ku e último servisionan i produkto, atendé lektura i workshop tokante un kantidat di tópiko, inkluso pronóstiko di tempu, meteorologia, mitigashon di inundashon, atvertensia di tormenta, planifikashon di emergensia i uso di teknologia pa evitá desaster, preparashon i ak-tua.

“Atendé e konferensianan akí, ta duna Saba i otro islanan e oportunidat pa amplia nan konosementu riba orkan, konstruí netwerk ku ekspertonan di otro isla i kompartí asuntunan lokal ku ta pertenesé na orkan,” Travis Johnson a bisa.

Pa Nicole Johnson i Travis Johnson, e konferensia a pone lus riba e importan-

sia di planifikashon proaktivo i bon uso di sistemanan di komunikashon, pero tambe proveé informashon i rekursu nobo, manera National Hurricane Center ta oumentá su pronóstiko di tempu di 5 pa 7 dia i introdusí tiponan nobo di data ku ta disponibel pa e tim di krisis di Saba.

Ekspertonan durante e konferensia a enfatisá e importante di invertí pa aktualisá i modernisá infrastruktura pa komunidad ta mihó prepará kontra e impakto di orkannan mayó i otro desaster natural.

E konferensia a sirbi komo un plataforma bali-oso pa aktual informashon riba preparashonnan pa orkan i proveé un forum ku ta yabi pa sigurá e resiliensia di komunidadnan en bista di desasternan natural den futuro.



Promé fase Airport Boulevard avansando

E promé fase di Airport Boulevard ta avansando. Ta trata di rekonstrukshon di e kamindanan, rekonstrukshon di un rotònde, área di parkeo i área pa baha i tuma pasa-hero dilanti aeropuerto.



Demanda di 6 aña contra Brendon Beaumont

Hoben futbolista hinca ora a trata di soluciona un problema di otronan

ORANJESTAD -- Corte diabierna a trata e caso penal contra e hoben Brendon Beaumont. A acus'e di intento di mata of maltrato pisa. E hecho aki a tuma luga dia 24 di october aña pasa. E agresor no solamente tabata bou influencia di alcohol pero tambe di otro substancia. Den e estado ey el a mira su victima como un persona cu kier a atac'e en bes di uno cu kier a salbe di un problema.

Segun a bini dilanti den Corte, e victima tabata na e mesun sitio cu e agresor. Tabata eynan miembronan di dos diferente gang. Ora cu el a mira cu Brendon tabata na punto di bay den agresion contra miembro di e otro gang, el a bay want'e

di patras, ya cu e conoce pasobra nan a bay scol hunto.

Pero Brendon a interpret'e robes. El a yam'e pa traidor. Na momento cu e tabata trata di trankilisa Brendon, a mira cu esaki tabatin un cuchiu y a pensa cu esaki no ta wega y a trata di huy, ora cu el a mira e cuchiu. Brandon a sigui e y a hink'e.

A pesar cu el a logra huy, a sigui su tras. Un biaha mas Brendon a alcans'e y e biaha aki a hinke tres bes den lomba. E hincanan aki a caba a afecta entre otro su riñon. Pero tambe a strobe cu e no por hunga futbol mas.

Polisnan mes a mira cu e sospechoso tabata actua hopi straño, movecionnan

straño, ora cu a bay detene. Y tambe e tabata soda basta hopi y tabata mira nan cu wowonan grandi. Den Corte e mes a bisa cu no tin motibo pa ataca e victima (Pantophlet) pasobra e conoc'e y no tin problema cune.

E sospechoso no ta un desconoci di husticia, ya cu a haya condena den pasado pa maltrato pisa y violencia publico tambe. E acusado su tata a muri ora cu e tabata chikito y su welo a lant'e y nunca tin problema cu ne cas. Ta parce cu e dal pia riba caya cu amigonan, cos ta cambia.

A pesar di tin un diploma di HORECA no tin trabou y su unico entrada ta ora cu e bay pisca de bes en cuando.

Mama di e victima e pidi un daño perhuicio ya cu durante un periodo largo cu su yiu no tabatin trabou, e mester a paga huur di su apartamento, cumpra cuminda p'e, y hib'e su citan na specialista y terapia.

Fiscal a mostra riba e consecucionan serio cu e hincanan por a trece pa e victima. Si esaki a fayece, awo Beaumont lo ta dilanti mesa berde pa morto di un

ciudadano. Y den e caso aki un inocente cu a trata di interveni pa evita cu por surgi un problema grandi entre dos gang. Loke a tene na cuenta ta cu e acusado tin un record. P'esey e fiscal ta kere cu un castigo di 6 aña ta na su luga. No a tuma un decision mesora, ya cu Hues ta bay evalua tur e puntonan treci dilanti y den tres siman lo tin un decision.

Auto di polis involvi den accidente serio na Bubali

ORANJESTAD -- Dia-domingo mainta trepan alarma a wordo bati pa un accidente serio entre un patruxa di polis y un Hyundai. Na yegada di unidadnan di rescate, manera brandweer, ambulance y demas polis nan ta bin haya un Prado di cuerpo policial hinca parcialmente den mondi.

Mientras e otro vehiculo cu ta un Hyundai i10 keda un parti ariba caminda. Na

e sitio; di locual nos a com-pronde ta cu e Dos persona herida: Auto di polis involvi den accidente serio na Bubali patruxa lo tawata bayendo direccion pariba esta warda di Shaba, ora cu e Hyundai i10 a subi nan dilanti. Aki ta unda e patruxa a dal contra e Hyundai den banda di e chauffeur.

E agente lo a trata di evita e impacto, pero sin resultado.

Dos ambulance a presenta na e sitio; pa atende cu esnan herida tanto di e Hyundai y e polisnan. Na final ambos ambulance a sali direccion Hospital cu esnan herida.

Specialista di trafico tambe a presenta, pa hacinan investigacion unda cu un auto di polis a keda total los y tambe un Hyundai i10. Ta muestra cu tur esnan involvi lo ta ok.




Spirito den oficina Landsrecherche

ORANJESTAD -- Diabierna anochi patruxa di Playa a bay un rato den Vondellaan, pa un caso poco straño na oficina di Landsrecherche. Ey nan a bin topa cu un empleado di e departamento, cu segun e lo tin hende den e luga.

Mesora 2 patruxa a bay yuda nan colega di

Landsrecherche. Despues di rondia rond, nan no a bin haya nada particular. Pues ta muestra mas den direccion di un posibel "spirito" cu lo tawata zweef den e luga cu a pone e empleado pensa cu tin hende paden. Of manera nos bieunan ta bisa; tin un hende di bay yuda nan colega di biah'e.



Pa info i komunikado den Extra/BONERIANO

Redakshon:
extrabon@gmail.com

Aviso mail:
avisobon@gmail.com

ARUBA

Auto a bay cay den rooi

ORANJESTAD -- Diabierna anochi algo prome cu 9'or automobilistanan por a tuma nota di 2 van di seguro ariba e brug pariba di rotonde di Banco di Caribe. Chauffeurnan tawata tira bista pa boksmento, pero niun auto tawata visibel.

Pakico e autonan no tawata visibel, tawata pa e motibo cu e auto involvi


a bay cay den rooi. Pues tawata trata di solamente un vehiculo marca Chevrolet, mancha pa un cabayero. Polis di trafico cu a presenta na e sitio a papia cu e chauffeur. E lo tawata tin poco dolor di curpa, pero asina mes no tawata desea asistencia medico.

Na e sitio nos a compronde cu e e auto tawata biniendo for di pariba,

momento cu pa un of otro motibo e la sigui stret y ta dal contra e rand di e tubo

di e brug. Y despues a bay cay den e rooi. Mester bisa cu e impacto tawata basta

fuerte, mirando con e dobla e hero di e brug; cu ta masha bieu mes.



Auto bieu cendi na candela

ORANJESTAD -- Diabierna anochi habitantenan di Tarabana specialmente esnan di Maracastraat a haya nan ta contempla un auto bieu na candela. Esaki a hala masha hopi atencion, door di e huma pre-

to grandi cu esaki tawata saca.

Dos patruya a yega na e sitio, pa ripara cu tawata trata di un auto bieu, cendi na candela door di un adicto ambulante conoci den e Tarabana. E problema tawata cu si no domina e

candela e lo sigui expande y tin cas ey mes.

Brandweer a yega y den algun minuut bomberonan a domina e vlamnan grandi di auto bieu, cu a bira un atraccion un rato pa e habitantenan.



Pa metodologia disiplina konsiente

Minister a instalá Tim Stratégiko i grupo di trabou

WILLEMSTAD – Minister di Enseñansa, Siensia, Kultura i Deporte sr. Sithree van Heydoorn den presensia di Sekretario General di Ministerio di ESKD sra. Susan Larmontie-van Heydoorn a instalá e tim i grupo di trabou ku ta bai traha riba e ehkushon proyekto “Conscious Discipline”. E entrega di e ordenansa a bai den presensia di Direktor di Enseñansa i Siensia sr. Wladimir Kleinmoedig i Direktor di Kultura i Deporte sra. Lizette Sambo-Velder komo ku kolaboradornan di e sektornan aki ta bai traha den representashon di e áreanan

di enseñansa, kultura i deporte. E trayekto ta enserá un proyekto kaminda ta bai traha den estrecho koperashon ku tur e ‘stakeholder’ konserní. Huntu ta bai traha pa yega na un struktura kaminda ta bai apliká e metodologia den henter e ministerio i specialmente pa e profeshonalnan di skol pré-eskolar, enseñansa di fundeshi regular i spesial i kuido despues di skol ku ta traha ku muchanan di 0 te ku 14 aña. Conscious Discipline na papiamentu “Disiplina Konsiente” ta un aserkamentu transformashonal, ku ta kuminsá serka adulto promé, den

kua e persona konserní ta desaroyá 7 abilidadat ku e meta pa logra regulashon propio ‘riba tereno sosial emoshonal. Intenshon ta pa despues e adulto aki guia e hóben pa desaroyá mesun abilidadatnan pa na su turno e hóben tambe siña regulá su mes ‘riba tereno sosial i emoshonal.

A instalá e tim di proyekto ku ta enkargá ku plania ehkushon di profeshonalnan den desaroyo kompetensianan sosial emoshonal, uzando e metodologia disiplina konsiente. Miembronan di e tim stratégiko ta sra. Sahayra Nisbet (presidente), sr. Euclides Per-

igault Monte, sra. Patricia Maria, sra. Hassenne Adams (sekretaris) i sra. Sonaline George.

Tambe Minister S. van Heydoorn a instalá e Grupo di Trabou ku ta enkargá pa kordiná e implementashon di e plan di e proyekto “Conscious Discipline” di Ministerio di Enseñansa, Siensia, Kultura i Deporte.

Nan ta bai kordiná i ta responsabilisá na e Tim di Proyekto. Miembronan di Grupo di Trabou ta sra. Patricia Maria (presidente), sra. Sahayra Nisbet (kordinadó), sra. Hassenne Adams, sr. Urlmar Concepcion, sra. Corine Blom, sra. Jakeema Hernandez, sr. David Medina, sra. Jenny Bregita i sra. Indra Melfor.



Kaso di tiramentu ku herido

WILLEMSTAD -- Djasabra 15 di aprel sentral di polis a risibí informashon di un kaso di tiramentu ku a tuma lugá den Kaya Stila.

Na yegada a enkontrá ku un hòmer ku herida di bala na su kurpa.

For di un investigashon preliminar a sali na kla ku un ratu promé un vehíku lo mester a pasa basha bala riba e víktima.

Durante di e tiroteo e hòmer a sufri leshon na su kurpa okashoná pa bala prosedente di un arma di kandela.

Ku ambulans di FKA a transportá e víktima pa sala di emergensia di C.M.C. pa kuido mas avansá.

Departamento di reshèrshi ta kontinuá ku e investigashon den e kaso ariba menshoná.

Pa Partido MAN

Bario ta keda e sentro pa desaroyo di un pais

WILLEMSTAD -- Resientemente Partido MAN, representá pa su lider polítiko Giselle Mc William a bishitá Unidat di Bario. Meta di e bishita tabata pa papia riba desaroyo di Bario i Kòrsou.

A elaborá riba e situashon di barionan na Kòr-

sou, trabounan ku Unidat di Bario a bin ta desplega i retonan ku tin. MAN, komo un partido sosial demókrata, ku su énfasis ta e hende i su desaroyo, a informá di su pensamentu pa loke ta desaroyo di barionan.

Pa MAN desaroyo i partisipashon real di habi-

tantenan den desaroyo di nan bario ta keda importante i ta sigui enfoká pa yega na dje. Inklushon di tur habitante, organisashon di bario den desaroyo di Bario i Kòrsou ta loke partido MAN ta enfoká riba dje.

*Pa maltrato severo*

Detenshon den Kaya Sinfonia

WILLEMSTAD -- Djasabra 15 di aprel sentral di polis a dirigí un unidat polisial na Kaya Sinfonia, pa un kaso di hinkamentu.

Na yegada di e unidat polisial a topa ku un hòmer ku a deklará na polis ku despues di un diskushon un ratu promé ku su bisiña esaki lo mester a propin’é un hinká na altura di su barika.

Ku ambulans di FKA a

transportá e víktima den un situashon di atenshon pa sala di emergensia di C.M.C.

Na e sitio a detené e hòmer sospechoso S.M.B., nasé na Kòrsou di 73 aña di edat.

A presentá e sospechoso dilanti un fiskal ouksiliar ku despues di interrogashon a ordená su enkarselamentu pendiente di mas investigashon.

DEPORTE

Torneo sòftbòl dediká na Aithel i Wendel

KRALENDIJK--The Dreamers i Liga Si Nos Ke Nos Por, ku torneo di sòftbòl dediká na e konosido picher i empayer di sòftbòl Aithel Statie i Wendel Raphaela.

E torneo aki lo tuma lugá di 4 di mei pa 11 di yùni 2023 na Julio Angela Ballpark na Amboina.

A trata di un torneo di diferente kategoria ku ta

damas, kabayeros, komèrsial, challenger i veterano 40+ i 50+.

E torneo aki ta primintí di bira algu grandi i super èksitoso aya na Julio Angela Ballpark.

E torneo aki ta konta tambe ku un bar i kushina amplio i bon surtí pa abo fanátiko sintibu na kas sin falta di nada.

E timnan tambe den e

diferente kategorianan ta preparando nan mes pa duna e fanatikada un sòftbòl na nivel pa mira durante e torneo.

Tur kos ta primintí pues ku e torneo aki lo bira algu grandi, un torneo ku lo brinda un torneo di sòftbòl na nivel pa mira durante e dianan di e torneo.

Tur kos ta mostra ku e torneo aki lo bira algu gran-

di aya na Julio Angela Ballpark na Amboina.

Nos ta tratando na haña e nòmbernan di e timnan den kada kategoria i asina ku nos risibí esakinan nos lo amplia ku mas informashon di kada un tim den e torneo.

Nos por a komprondé si di e organisadónan ku e torneo aki lo bira un tremendo torneo, algu grandi pa nos

isla.

Asina ku nos logra haña mas informashon di e torneo, entre otro e timnan den e torneo, nos lo amplia riba esakinan pa abo fanátiko di sòftbòl ta bon informá di e torneo aki. Keda pendiente pues ya ku tin hopi kos na kaminda pa loke ta trata e torneo aki. Nos lo bini despues ku esakinan pa abo ta bon informá.

Despues di basta warda

Konstrukshon na Frans Paradise

KRALENDIJK—Por nota ku tin konstrukshonnan tumando lugá na Sorobon. Pa ta eksakto na Frans Paradise. BONERIANO a tuma kontakto ku e estableimentu pa sa mas aleu kiko ta loke ta den konstrukshon. “Aki 10 dia e kasitanan ta kla. Esaki ta parti di e proyekto ku nos

a manda pa gobièrnu pa ku nos skol di windsurf,” asina representante di e negoshi e splika. E parti mas grandi lo bai uza pa warda planki i bela. No ta un sekreto ku Frans Paradise tin basta tempu ta warda riba aprobashon i pèrmit pa por a realisá e proyekto.



18 di April 2023

**“E grupo di kreyente tabata un di kurason i mente ...”
(cf Ech 4,32)**

Un di e promé frutanan di Resurekshon di Hesus, tabata e unidat bou di kreyentenan. Un unidat ku tabata brota for di e legria pa motibu di kumplimentu di e promesa dibino, di Hesus su Resurekshon.

Hesus a resa pa e unidat aki; “Tata, mare kreyentenan por ta ún, manera Abo ta den Mi, i Ami den Bo ...” (cf Huan 17,21)

E unidat aki ta manifestashon tambe di e amor kristian, ku Hesus ta spera di mira bou di su siguidónan: “Si boso stima otro, tur hende lo sa ku boso ta mi disipel.” (cf Huan 13,35)

Laga nos pidi Señor e gracia di alkansá e unidat aki den nos komunidat en general i den nos kasnan di famia en partikular.

**“Esta bon, esta dushi di ta ruman i biba huntu den union.”
(cf Salmo 133,1)**

1L Ech 4,32-37; Salmo 93,1-2.5; Ev. Huan 3,7-15



005999-522-4056



Un Snehil Pan



unsnehillpan



Kurso AIDA freedive kompletá

KRALENDIJK -- Kaj, Daan i Geert, a kompletá e kurso di AIDA freedive. Na e momentu akí Sea Turtle Conservation Center (STCB) ta trein tantu e staf komo boluntarionan pa e programanan di kaptura i marka turtuga.

Meta di e kurso di freedive akí ta pa siña kon staf i boluntarionan di STCB por aportá momentu di kondusí

kaptura i investigashon i kon pa sigurá nan siguridat riba i bou di awa.

Ta bai usa e konosementu akí pa tur seshon di kaptura, inkluso na kosta wèst, Bahia di Lac i pafó di Lac.

STCB ta gradisí Blue Classroom Freediving pa siña e staf i boluntarionan tokante freediving i siguridat.



CHANGAN WORKFORCE



M201 SEVEN SEATER



\$13,995

M401 ELEVEN SEATER



\$17,995

MS201 DOUBLE CABIN



\$15,995

M401 CARGO



\$14,995

MD201 FLAT BED



\$12,995

M201 CARGO



\$11,995

MD201 COOLING BOX



\$17,995

